

**DE RARO MORBO
QUO SUBLATUS EST
COMES NICOLAUS
BIELKIUS, SENATOR
URBIS...**

Antonio Blasio



DE R A R O
M O R B O

Q U O

S U B L A T U S E S T

C O M E S

NICOLAUS BIELKIUS,
SENATOR URBIS,



ROMÆ MDCCLXV.

Ex TYPOGRAPHIA S. MICHAELIS AD RIPAM, APUD FRANCISCUM
BIZZARRINI KOMAREK, PROVISOREM LIBRORUM
IN BIBLIOTHECA VATICANA.

~~~~~  
*SUPERIORUM PERMISSU.*

306.16



(III)

ANTONIO  
CASALIO

PATRITIO ROMANO

A SECRETIS SACRÆ CONSULTÆ.

ANTONIUS BLASIUS FELICITATEM



X iis quæ , in  
adversaria mihi  
cōgesseram de raro Morbo,  
quo nuper est sublatuſ Fr.Ni-  
colaus Bielkiuſ, Senator Ur-  
bis brevem hanc hitoriam ,  
perſcripſi , nec alium, præ-  
ter Te, habui, PRÆSUL AM-  
PLISSIME, cui illam nuncupa-

A 2

rem.

(IV)

rem. Præclare etenim de te  
vir ille summus sentiebat ,  
& magnifice de tuis virtu-  
tibus loquebatur. Fac tu mo-  
do , ut quâ es humanitate  
erga omnes , eâdem munus  
hoc meum , admodum leve  
libentè accipias , illiusque  
auctorem tibi devotum , ad-  
dictumque tuo præsidio tue-  
are. Vale . Romæ III. Non.  
Julias MDCCLXV.

FR.



R. NICOLAUS BIELKIUS  
 Equestri Divi Lazari dignitate ornatus,  
 atque Urbis Senator,  
 e nobilissima, vetustissimaque familia in Svetia ortus,  
 patrem habuit Carolum Gustavum,  
 Regni Quæstorem, & Comitem,  
 qui honor apud eas gentes permagni habetur. Hic avito splendore  
 clarus, ac populo Romano ob humanitatem, comitatem, ac justitiam;  
 quâ æquabili octo, & viginti annos juri-dicundo in Capitolio præfuit,  
 gratissimus, mortem obiit die duodecima Junii Anni MDCCLXV.  
 ætatis sexagesimo. Antonius Blasius Romanus, Archihospitalis S. Mariæ

Consolationis Chirurgus Primarius, qui apud Summum Virum eodem, dum opus fuit, Chirurgi functus est munere, ex quo ad amplissimum honorem a S. M. Clemente XII. Pontifice Maximo fuit vocatus ad extremum usque vitæ Spiritum, memor benevolentiae, quâ ipsum ille complexus fuerat, atque ut monumentum aliquod sui erga illum, obsequii apud posteros extaret, litterarum mandavit monumentis continentem malorum sibi succedentium seriem, quibus multos annos est ille conflictatus, & quibuscum diutius etiam vitam producere potuisset, si invisa illi fuissent Empiricorum consilia, ac remedia, quæ postremo atroci morbo, quo e manibus veluti amantissimæ Urbis fuit avulsus, gradum incitarunt.

Is igitur Vir Summus, licet temperamentum naturâ nactus esset ultramodum scorbutum, uti ajunt,

(ami-

(VII)

(amiserat enim omnes dentes præter unum quinquagesimo ætatis anno) mirâ nihilominus membrorum inter se consensione ac oris, totiusque corporis dignitate præstabat. Procerus enim erat, agilis, venustus, candidus color, vivaces oculi: Comis præterea, blandus, officiosus in omnes, sagax ingenio, in adversis denique fortunæ, ac valetudinis casibus ad miraculum constans, quod tunc præcipue ostendit, cum patria discedens Religionis causâ quæ sibi carissima fuerant Patrem, Uxorem, Propinquos, & ingentem Annuæ pecuniæ numerum forti animo reliquit; & cum iterum, & sæpius fuit coactus Parisiis lævissimas operationes Chirurgicas subire ob tumores, & fistulas, quæ illi anum obsederant, & a quibus ortum traxisse deterrima illa mala, quæ ejus vitam perpetuo sunt in posterum commitata, non est ambigendum.

Romam



(VIII)

Romam etenim vix pervenerat cum primo mucosis, inde purulentis per anum dejectionibus vexari coepit, quod erat indicio unum, plurave ulcera adhuc interiorum, superioremque intestini partem tenere, ad quæ, neque oculus, neque manus, uti factis sæpius experimento compertum est, pertingere poterat.

Saniosis iisdem per anum dejectionibus aliæ insuper purulentæ per urinæ canalem accessere ab annis quatuordecim, & eo amplius, quæ primo illum valetudinarium reddidere: Progressu vero temporis talia intulere detrimentum, ut postremis duobus vitæ annis cum sensu ardo-  
ris, vel invitum mittere guttatim, urinam cogeretur.

Duos eisdem postremos, quos in-  
nuimus annos misere aut domi manens, aut in lectulo decumbens traduxit, in quibus sæpè ab irregularibus febribus cohorrescens asperrime  
di-

divexabatur , nec non a vomitu ,  
 præterea a convulsionibus fere affi-  
 duis , a quibus ter in grave vitæ di-  
 scrimen est adductus , ac præcipue  
 die secunda superioris Aprilis , quo  
 tempore tanta fuit parosismi feritas  
 spatio septem horarum , ut ne levis  
 quidem rerum cognitio in Ægroto  
 reliqua videretur . Levationem ta-  
 men aliquam tum huic postremo  
 parosismo , tum aliis afferre vide-  
 bantur spontanea , copiosa , nigra ,  
 fætidaq; intestinorum recrementa ,  
 cinerea sanie redundantia , quæ cir-  
 ca mensis Maii initia quotidie magis  
 invalescentia maximam diei , noctis-  
 que partem fellæ affixum detine-  
 bant . Jam ante hoc tempus facies  
 expalluerat , abdomen vehementer  
 intumuerat , & intentum evaserat :  
 Interdum mens evanescebat , fere  
 nullam partem quietis illi nox da-  
 bat teterrimis somniis interrupta .  
 Ille aliena modo loqui , modo abs  
 re

(X)

re irasci , interdum flere , veniam ,  
interdum postulare . In eum deni-  
que locum res venit vigesimaquin-  
ta die Mensis Maii , post transactam  
superiorem noctem plenissimam æ-  
rumnarum ut summo mane mihi e-  
vocato ostenderit scrotum enormi-  
ter tumefactum , dexterum glutium  
inflammatum , ac mole auctum ,  
spatium totum denique illud , quod  
anum inter , & testes interjacet al-  
teratum admodum , tumens , ac ta-  
ctui facile cedens . Ex hujus spa-  
tii veluti centro circa meridiem diei  
eiusdem fusca macula sese manifesta-  
vit , quæ macula sub vesperam per  
cæca quædam foraminula nequa-  
quam conspicua & urinam , & fe-  
rum putre evomuit . ( Proh dolor !  
quanta esse debuit vis , & diritas in-  
ternæ latentis labis , si paucarum  
horarum spatio tantam stragem ex-  
ternis corporis partibus intulit ) .  
Fudit sese in latitudinem dimidii  
scu-

(XI)

scuti ( quod vocant ) Romani prædicta illa fulca, & gangrænosa macula tribus diebus. Quartam denique inter, & quintam diem eschara. sponte delapla cavitas, sive ulcus sinuosum patuit, ex quo præter urinam, etiam alvinæ feces prodibant, & intra quod manifestissimæ in oculos incurrebant viæ, quas putris sanies, tum a superiori intestini, parte, tum a vesica sibi effoderat, in cujus cavitatis sinum. veluti in communem Cloacam, & urina, & alvi excrementa sese exonerabant.

His incommodis, quibus nulla remediorum efficacia potuit obfisti, vehementer ægrotans nobilissimus Vir, ciborumque fastidio laborans tres, & viginti dies transegit, quibus ita laxatum habuit ventrem, ut singulis diebus septies, ocliesve copiosa intestinorum excrementa putri saniei admixta, cadaverosumque fætores emittentia deji-

dejicerat, eodemque tempore cruciatus acerbissimos anum intra, & vesicam sustineret, quos ipse Ægrotus ad lumbos usque pertinere asseverabat. Cumque animadverteret pauxillum fieri levio rem morbum inediâ, summâ deinceps difficultate cibo, potioneque usus est, quapropter macie, & febris confectus firmo animo, ac constanti, uti Christianum Virum decet, e vita migravit.

In ejus cadavere nihil superesse visum est præter ossa arida cutem vestita, quæ manibus conrectata, non secus sonitum reddebant, ac si vitrea fuissent, atque a nativa sua sede dejecta. Morbi peculiaris, ac genuina Sedes, quæ latitabat in ventris cavitate, detegi post mortem non potuit, propterea quod ipse vetuerat suum disseccari cadaver: ceterum morbus, quo interiit, non multum illi fuit absimilis, qui vitam ademit Tito Pomponio Attico, ut legere est in ejus vita apud Corn. Nep.